

Arkiv:
JournalpostID: 19/2385
Saksbehandlar:
Dato: 03.12.2019

Saksframlegg

Saksnr.	Utvalg	Møtedato
004/19	Utval for næringsutvikling og drift	09.12.2019

Oppretting av eit kontaktutval for næringsutvikling Rådmannen sitt framlegg til vedtak:

Saka blir lagt fram til politisk drøfting

Utval for næringsutvikling og drift 09.12.2019:

Behandling:

Utval for næringsutvikling og drift drøfta saka.

Utvalsleiar Stian Lavik sette fram følgjande framlegg:

Utval for næringsutvikling og drift (ND) opprettar eit kontaktuval for næringslivet. Utvalet skal ha som formål å halda tett kontakt mellom ND, den kommunale administrasjonen og næringslivet, og skal ha jamnlege møter. Utvalet kan også møtast på ad hoc- basis og gje innspel i næringspolitiske saker, særleg dersom det ikkje er tid til at heile ND møtest før saka må handsamast.

Kontaktutvalet skal vera samansett av leiar og nestleiar frå ND, Leiar for næring og utvikling i administrasjonen, leiar for Nordhordland Næringslag og leiar for IUUV. I tillegg kan utvalet henta inn dei ein ser formålstenleg, anten det er frå administrasjonen eller næringslivet.

Utval for næringsutvikling og drift vedtok samrøystes framlegg frå utvalsleiaren.

ND- 004/19 Vedtak:

Utval for næringsutvikling og drift (ND) oppretter eit kontaktuval for næringslivet. Utvalet skal ha som formål å halda tett kontakt mellom ND, den kommunale administrasjonen og næringslivet, og skal ha jamnlege møter. Utvalet kan også møtast på ad-hoc basis og gje innspel i næringspolitiske saker, særleg dersom det ikkje er tid til at heile ND møtest før saka må handsamast.

Kontaktutvalet skal vera samansett av leiar og nestleiar frå ND, Leiar for næring og utvikling i administrasjonen, leiar for Nordhordland Næringslag og leiar for IUUV. I tillegg kan utvalet henta inn dei ein ser formålstenleg, anten det er frå administrasjonen eller næringslivet.

Saksopplysninger:

Bakgrunn for etablering av kontaktutval

I møte den 18 november vart det vedteke å etablera eit kontaktutval i dialogen med næringslivet, kor administrasjonen vil koma tilbake med sak om dette.

I den nye politiske plattformen er det vedteke at samarbeidspartia skal ha eit tett samarbeid med næringsaktørane i kommunen for å utvikla ein attraktiv og berekraftig næringskommune.

Hovudoppgåvene for kontaktutvalet er å gi strategiske råd og tilrådingar om korleis Alver kommune best kan få til ei berekraftig næringsutvikling.

Forslag – mandat for eit kontaktutval for næringsutvikling

- Hovudformålet med kontaktutvalet er å skape ein tettere dialog mellom Alver kommune og næringslivet.
- Kontaktutvalet skal gi strategiske råd og tilrådingar til utval for næringsutvikling og drift til korleis Alver kommune best kan vere ein attraktiv kommune for næringsutvikling og som bustadkommune.
- Innspel til korleis Alver kommune i samarbeid med næringslivet kan gje tilrådingar til konkrete forslag som kan bidra til klimakutt og fjerna unødvendig plastemballasje og plast til eingongsbruk.
- Tilrådingar til korleis Alver kommune kan leggja til rette for at anbods- og innkjøpsordninga blir praktisert slik at også lokale næringslivsaktørar kan ta del i konkurransen med større aktørar.
- Innspel på politiske og regulatoriske rammevilkår for vidare vekst og utvikling av eksisterande og nytt næringsliv.
- Kontaktutvalet skal vere initiativtakar til regelmessige dialogmøte med næringslivet om næringslivet sine forventningar og behov.
- Kontaktutvalet skal gi innspel til ny strategisk næringsplan

Mål for kontaktutvalet

Kontaktutvalet skal utgreie moglegheitene for å styrke Alver kommune si konkurranseevne i forhold til å trekkje til seg nyinvesteringar, nyetableringar og nye arbeidsplassar, innanfor eksisterande og tilknytt klynger/verdikjede, og leggje fram konkrete tiltak som skal gjere Alver til ein attraktiv kommune for næringsutvikling.

Kontaktutvalet sitt arbeid skal konsentrere seg omkring desse hovudtema:

- Kartlegge no-situasjonen: kva for ein posisjon har Alver innanfor nasjonalt og internasjonale tilbod om industrietablering og test-stader? Kva er Alver sine komparative fortrinn i konkurransen? Kva er barrierar mot auka attraktivitet?
- Kva for parameter er viktig for næringslivet for lokalisering av bedrift og korleis er Alver si konkurransekraft ift dette. Andre direkte eller indirekte mekanismar som påverkar lokalisering?
- Har Alver dei riktige fysiske forutsetningane for nyetableringar med omsyn til regulerte planar og areal, infrastruktur, klima, naturressursar, avklarte miljøkrav, osv.?
- Har Alver politiske og regulatoriske rammevilkår og fasilitetar som kan imøtekomme raske endringar i næringslivet sine behov?
- Korleis kan Alver kommune utvikle eit effektivt mottaksapparat for førespørslar om etablering? Frå grunneigar/industriparkar som evner å vere vertskap, - til kommunen og øvrige lokale styresmakter til å følgje opp saksbehandling, - til nasjonale styresmakter og verkemiddelapparat som kan bistå med å tilrettelegge?
- Er Alver kommune god nok synleg? Omdømme?

Basert på kunnskap om tema skal kontaktutvalet foreslå tiltak som kan bidra til:

- Forslag til politiske og regulatoriske rammevilkår som kan stimulere til vekst og utvikling innanfor eksisterande og ny næringsutvikling i kommunen.
- Forslag til rammevilkår som kan styrke kompetanse og innovasjonsevna til næringslivet i Alver kommune
- Forslag til tiltak for å fremje vertskaps-attraktivitet og tenestetilbodet til næringslivet i Alver kommune
- Forslag til politiske og regulatoriske tiltak for å betre attraktiviteten og vekstvilkår for lokalt næringsliv.

Kontaktutvalets sammensetning

- I Kontaktutvalet for næringslivet møter 4 av utvalet sine politiske representantar, saman med administrativ leiing, 4 representantar frå næringslivet sine organisasjonar/representantar for utvalde næringsgrupper, og 2 representantar frå utdanning og kompetansemiljø.
- Kontaktutvalet sitt sekretariat er politisk sekretariat.

Vurdering:

Rådmannen legg fram saka til politisk drøfting.